



Broj: 02-02-187-4/25
Tuzla, 25.03.2025. godine

TUZLANSKI KANTON
SKUPŠTINA
-n/r predsjednika -


Predmet: Izvještaj o radu – dostavlja se

Na osnovu člana 31. stav (4) Zakona o unutrašnjim poslovima Tuzlanskog kantona, u prilogu Vam na razmatranje dostavljamo Izvještaj o radu Nezavisnog odbora za period juli – decembar 2024. godine.

S poštovanjem,

Dostavljeno:

- Naslovu
- Evidenciji
- Arhivi



Predsjednik
Nezavisnog odbora
Anita Petrović
Anita Petrović

TUZLANSKI KANTON
SKUPŠTINA
NEZAVISNI ODBOR

IZVJEŠTAJ
O RADU NEZAVISNOG ODBORA ZA PERIOD JULI - DECEMBAR 2024.
GODINE

Tuzla, mart 2025. godine

Izvještaj o radu Nezavisnog odbora za period juli - decembar 2024. godine

Djelokrug rada Nezavisnog odbora definisan je odredbama Zakona o unutrašnjim poslovima Tuzlanskog kantona („Službene novine TK“ br. 4/10, 5/11, 14/11, 2/12, 8/13, 10/14, 9/15, 13/16, 14/17, 11/18 i 14/18). Shodno Zakonu, Nezavisni odbor je tijelo Skupštine Tuzlanskog kantona koje provodi postupak izbora i smjene direktora Uprave policije, te vrši nadzor nad njegovim radom. Nezavisni odbor predlaže i godišnju ocjenu rada direktora Uprave policije, prima žalbe na rad direktora Uprave policije, sačinjava detaljan izvještaj o radu direktora Uprave policije svaka tri mjeseca, koji dostavlja ministru i Vladi Tuzlanskog kantona, te sačinjava izvještaj o svom radu svakih šest mjeseci i dostavlja ga Skupštini Tuzlanskog kantona.

Članom 31. Zakona o unutrašnjim poslovima Tuzlanskog kantona propisano je da Nezavisni odbor sačinjava izvještaj o svom radu svakih šest mjeseci i dostavlja ga Skupštini Tuzlanskog kantona.

U navedenom periodu Nezavisni odbor je održao šest (6) redovnih sjednica.

U vršenju obaveze nadzora nad radom direktora Uprave policije, Nezavisni odbor je razmatrao mjesečne informacije o stanju sigurnosti na području Tuzlanskog kantona za drugu polovinu 2024. godine, razmatrao tromjesečne izvještaje o radu direktora Uprave policije za 2024. godinu, te informacije direktora Uprave policije po zaključcima Nezavisnog odbora. Tom prilikom razmatrano je sljedeće:

- Izvještaj o radu direktora Uprave policije MUP TK za period januar - mart 2024.
- Izvještaj o radu direktora Uprave policije MUP TK za period april - juni 2024.
- Informacija o stanju sigurnosti na području Tuzlanskog kantona za period april - juni 2024.
- Informacija o stanju sigurnosti na području Tuzlanskog kantona za mjesec juni 2024.
- Sačinjen Izvještaj o radu direktora Uprave policije MUP TK za period april - juni 2024.
- Informacija o stanju sigurnosti na području Tuzlanskog kantona za mjesec juli 2024.
- Sačinjen Izvještaj o radu Nezavisnog odbora za period januar- juni 2024.
- Informacija o stanju sigurnosti na području Tuzlanskog kantona za mjesec august 2024.
- Informacija o stanju sigurnosti na području Tuzlanskog kantona za mjesec septembar 2024.
- Informacija o stanju sigurnosti na području Tuzlanskog kantonaza period janur - septembar 2024.
- upoznavanje s odgovorm direktora Uprave policije MUP TK-a u vezi sa zaključkom Nezavisnog odbora od 29.10.2024.
- Izvještaj o radu direktora Uprave policije MUP TK za period juli – septembar 2024.
- Informacija o stanju sigurnosti na području Tuzlanskog kantona period juli – septembar 2024.
- Informacija o stanju sigurnosti na području Tuzlanskog kantona za mjesec oktobar 2024.

- Utvrđivanje prijedloga godišnje ocjene rada direktora Uprave policije MUP TK za period od 01.12.2023. do 30.11.2024. godine
- Upoznavanje sa Zaključkom Skupštine TK u vezi Izvještaja o radu Nezavisnog odbora za period januar-juni 2024.

Na 33. sjednici održanoj 19.07.2024. godine Nezavisni odbor je jednoglasno prihvatio tekst dostavljenog Izvještaja o radu direktora Uprave policije MUP TK za period januar-mart 2024. godine, koji je detaljno razmatran na prethodnoj sjednici i o kojem je već diskutovano. Izvještaj je shodno čl. 43. st. 2. Zakona o unutrašnjim poslovima Tuzlanskog kantona dostavljen resornom ministru i Vladi TK-a.

Na 34. sjednici održanoj 21.08.2024. godine razmatran je Izvještaja o radu direktora Uprave policije MUP-a Tuzlanskog kantona za period april - juni 2024. godine i Informacija o stanju sigurnosti na području Tuzlanskog kantona za period april - juni 2024. godine. U diskusiji članova istaknuta je saradnja koju je direktor Uprave policije imao sa drugim policijskim agencijama i predstavnicima međunarodnih i drugih institucija u izvještajnom periodu, pored toga ukazano je na normativnu djelatnosti gdje se radilo na izradi nacerta zakona i pravilnika, i između ostalih pripremljen je nacrt Pravilnika o načinu držanja i nošenja oružja i municije. Posebna pažnja odnosila se na rad i edukaciju policijskih službenika. Izvještaj je nakon diskusije jednoglasno usvojen. Uz Izvještaj razmatrana je i Informacija o stanju sigurnosti na području Tuzlanskog kantona za period april - juni 2024. godine koja je primljena k znanju. Osim toga razmatrana je i Informacija o stanju sigurnosti na području Tuzlanskog kantona za mjesec juni 2024. godine koja je također primljena k znanju.

Na 35. sjednici održanoj 24.09.2024. godine Nezavisni odbor je jednoglasno prihvatio tekst dostavljenog Izvještaja o radu direktora Uprave policije MUP TK za period april-juni 2024. godine, koji je razmatran na prethodnoj sjednici i koji je shodno čl. 43. st. 2. Zakona o unutrašnjim poslovima Tuzlanskog kantona dostavljen resornom ministru i Vladi TK-a. Pored toga Nezavisni odbor je razmatrao Informaciju o stanju sigurnosti na području Tuzlanskog kantona za mjesec juli 2024. godine. Tom prilikom diskutovano je da je u julu 2024. godine nadležnim tužilaštvima podneseno 256 izvještaja o učinjenom krivičnom djelu za izvršenih 289 krivičnih djela što je u odnosu na isti period 2023. godine više za 36 ili 14,2%. Procenat ukupne rasvjetljenosti krivičnih djela iznosi 74,7%. Nadležnim tužilaštvima prijavljeno je 246 učinilaca krivičnih djela, što je u odnosu na juli 2023. godine više za 50 ili 25,5%. U sedmom mjesecu ove godine na putevima Tuzlanskog kantona evidentirane su 302 saobraćajne nezgode. To je za 24 nezgode odnosno 8,6% više nego u julu 2023. godine. Pet saobraćajnih nezgoda u posmatranom periodu bilo je sa smrtnim posljedicama. Pet lica je smrtno stradalo, što je za 3 osobe odnosno za 150% više nego u julu 2023. godine. Tokom rasprave je naglašen značaj rada policije na terenu u cilju prevencije saobraćajnih prekršaja odnosno nesreća. Istaknut je i problem vožnje električnih romobila što, nažalost, u BiH nije regulisano. Konstatovano je da bi ovo pitanje moralo biti riješeno na državnom nivou kroz izmjene i dopune Zakona o sigurnosti saobraćaja. Nakon rasprave Informaciju o stanju sigurnosti na području Tuzlanskog kantona za juli 2024. godine, primljena je k znanju.

Na 36. sjednici održanoj 29.10.2024. godine razmatrana je i jednoglasno prihvaćen Izvještaj o radu Nezavisnog odbora za period januar – juni 2024. godine, koji je u predloženom tekstu u skladu s članom 31. Zakona o unutrašnjim poslovima Tuzlanskog kantona dostavljen Skupštini Tuzlanskog kantona na razmatranje. Pored toga, Nezavisni odbor je razmatrao Informaciju o stanju sigurnosti na području Tuzlanskog kantona za mjesec august 2024. godine. Tom prilikom konstatovano je da je u augustu 2024. godine nadležnim tužilaštvima podnesen 231 izvještaj o učinjenom krivičnom djelu za izvršenih 277 krivičnih djela što je u odnosu na isti period 2023. godine više za 4 krivična djela ili 1,5%. Procenat ukupne rasvijetljenosti krivičnih djela iznosi 77,3%. Nadležnim tužilaštvima prijavljen je 221 učinilaca krivičnih djela, što je u odnosu na avgust 2023. godine više za 13 učinilaca ili 6,3%. Kada je u pitanju javni red i mir, u avgustu 2024. godine evidentirana su 174 prekršaja što je za 6 prekršaja odnosno za 3,3% manje u odnosu na isti period prošle godine. Na putevima Tuzlanskog kantona evidentirane su 324 saobraćajne nezgode. To je za 30 nezgoda odnosno 10,2% više nego u augustu 2023. godine, a 2 lica su smrtno stradala. Uočeno je da je tokom augusta 2024. godine u određenim oblastima sigurnosti došlo do smanjenja, a u pojedinim do povećanja broja počinjenih krivičnih djela odnosno prekršaja. Od strane članova je uočeno da iz pojedinih lokalnih zajednica kontinuirano dolaze približno isti podaci, pa se postavlja pitanje da li oni pokazuju realno stanje. Ukazano je na nužnost aktivnijeg rada policije na terenu, posebno kada je u pitanju kontrola vozača, koja podrazumijeva mnogo više radnji od kontrole brzine. Nakon rasprave Informacija o stanju sigurnosti na području Tuzlanskog kantona za august 2024. godine, primlje je k znanju. Osim toga, razmatrana je i Informaciju o stanju sigurnosti na području Tuzlanskog kantona za mjesec septembar 2024. godine. U ovoj informaciji je, između ostalog, navedeno da je u septembru 2024. godine nadležnim tužilaštvima podneseno 240 izvještaja o učinjenom krivičnom djelu za izvršenih 259 krivičnih djela što je u odnosu na isti period 2023. godine za 46 krivičnih djela odnosno 15,1% manje. Procenat ukupne rasvijetljenosti krivičnih djela iznosi 75,7%. Nadležnim tužilaštvima prijavljeno je 216 učinilaca krivičnih djela, što je u odnosu na septembar 2023. godine manje za 38 učinilaca ili 15%. Kada je u pitanju javni red i mir, u septembru 2024. godine evidentirano je 149 prekršaja što je za 5 prekršaja odnosno za 3,2% manje u odnosu na isti period prošle godine. U devetom mjesecu ove godine na putevima Tuzlanskog kantona evidentirano je 279 saobraćajnih nezgoda. To je za 29 nezgoda odnosno 11,6% više nego u septembru 2023. godine. Od strane članova Nezavisnog odbora ukazano je i na trend povećanja broja rješenja koja se izdaju za nabavku oružja, kao i značajno povećanje broja saobraćajnih nezgoda u pojedinim lokalnim zajednicama poput Gradačca, Lukavca i Kladnja. Ukazano je na potrebu većeg prisustva i aktivnijeg djelovanja policije na terenu, posebno kada je u pitanju kontrola učesnika u saobraćaju. Nakon rasprave Informacija o stanju sigurnosti na području Tuzlanskog kantona za mjesec septembar 2024. godine, primljena je k znanju. Nakon toga Nezavisni odbor se u okviru tekućih pitanja osvrnuo na aktuelna dešavanja u Bosni i Hercegovini i okruženju, a koja dodatno narušavaju sigurnost građana. Posebno se to odnosi na ubistvo jednog i ranjavanje drugog policajca, koje je počinio maloljetnik u Bosanskoj Krupi, te seriju lažnih dojava o postavljenim bombama, posebno u školama, a za što su, također, počinio uglavnom maloljetna lica. Potom je Nezavisni odbor jednoglasno donio sljedeće zaključke: 1. *Nezavisni odbor je ponukan nemilim događanjima u Bosni i Hercegovini i okruženju, (npr. napad na policijske službenike u Bosanskoj Krupi od strane maloljetnika), zaključio da uputi sugestiju direktoru Uprave policije MUP TK da utvrdi Plan prevencije djelovanja na suzbijanju pojave ovih specifičnih krivičnih djela i*

na našem Kantonu. 2. Nezavisni odbor takođe sugeriše direktoru Uprave policije MUP TK da u cilju preventivnog djelovanja organizuje predavanja u školama, a kako bi se djeci prezentovale posljedice lažnog prijavljivanja postavljanja eksplozivnih naprava – bombi, u školskim ili nekim drugim javnim objektima.

Na 37. sjednici održanoj 19.11.2024. godine razmatrana je Informacija o stanju sigurnosti na području Tuzlanskog kantona za period januar-septembar 2024. godine, koja je primljena k znanju budući da je Nezavisni odbor navedene pokazatelje već razmatrao kroz pojedinačne mjesečne informacije o stanju sigurnosti u Tuzlanskom kantonu. Pored toga, Nezavisni odbor je upoznat sa s odgovorom direktora Uprave policije MUP-a Tuzlanskog kantona u vezi sa zaključkom Nezavisnog odbora od 29.10.2024. godine. Vezano za isti istaknuto je da je iz odgovora direktora policije vidljivo da se preventivne aktivnosti već provode. U okviru tekućih pitanja diskutovano je o problemu nedostatka dovoljnog broja mjesta za parking u blizini Univerzitetskog kliničkog centra u Tuzli, gdje su građani, koji dolaze na liječenje, prinuđeni i na nepropisno parkiranje, za što bivaju kažnjavani. Na kraju, ukazano je značaj pojačanog djelovanja policije po pitanju javnog reda i bezbjednosti te kontrole prodaje pirotehničkih sredstava, obzirom da se približavaju božićni i novogodišnji praznici i da će se tokom decembra u okviru „Zime u Tuzli“ održati brojni događaji na kojima će se okupljati veliki broj ljudi. Nezavisni odbor je jednoglasno prihvatio predloženi zaključak.

Na 38. sjednici održanoj 17.12.2024. godine razmatrani su Izvještaj o radu direktora Uprave policije MUP-a Tuzlanskog kantona za period juli-septembar 2024. godine i Informacija o stanju sigurnosti na području Tuzlanskog kantona za period juli-septembar 2024. godine. Sjednici je prisustvovao i direktor Uprave policije MUP-a Tuzlanskog kantona, Dževad Korman, koji je iznio podatke u vezi s radom odnosno sigurnosti u izvještajnom periodu, te je iznio da je sigurnosna situacija zadovoljavajuća te da u prvih 11 mjeseci 2024. godine nije bilo neriješenih težih oblika krivičnih djela u Tuzlanskom kantonu. Smanjena je i maloljetnička delikvencije, a tokom ove godine oduzeto je više narkotika nego u odnosu na nekoliko prethodnih godina. Smanjen je broj krivičnih djela posebno kada su u pitanju imovinski delikti. Istaknuo je kako su dva teška krivična djela ubistva bacila sjenu na sve navedene pozitivne pokazatelje. Pozitivnim je ocijenjeno stanje u oblasti javnog reda i mira, dok je najtežim ocijenjena situaciju u saobraćaju, gdje je, bez obzir na sve aktivnosti koje se poduzimaju, povećan broj prekršaja, broj vozača koji voze pod uticajem alkohola ili bez vozačke dozvole odnosno vožnja vozila koja nisu registrovana. Povećan je i broj saobraćajnih nezgoda, ali iako je broj smrtno stradalih u saobraćajnim nezgodama i dalje visok u 2024. godini. U cilju povećanja sigurnosti u svim segmentima dosta je urađeno na edukaciji policijskih službenika i materijalno-tehničkom opremanju. Nakon diskusije Nezavisni odbor jednoglasno prihvatio Izvještaj o radu direktora Uprave policije MUP Tuzlanskog kantona za period juli-septembar 2024. godine, dok je Informacija o stanju sigurnosti na području Tuzlanskog kantona za period juli-septembar 2024. godine primljena k znanju. Pored toga, razmatrana je Informacija o stanju sigurnosti na području Tuzlanskog kantona za mjesec oktobar 2024. godine. Tokom diskusije o ovoj Informaciji, između ostalog, iznesen je podatak da je 9 službenika unaprijeđeno u čin glavnog inspektora i da slijedi konkurs za 12 samostalnih inspektora, što je izuzetno značajno za budući rad i uspješno funkcionisanje policije u Tuzlanskom kantonu. Informacija je nakon rasprave primljena k znanju. Nezavisni odbor je jednoglasno

utvrdio i prijedlog godišnje ocjene rada direktora Uprave policije za period 01.12.2023. do 30.11.2024. godine koji je proslijeđen Vladi TK-a, resornom ministru, te direktoru Uprave policije MUP TK-a na upoznavanje.

Broj: 02-02-187-3/25

Tuzla, 25.03.2025. godine

Predsjednica Nezavisnog odbora


Dr. sc. Anita Petrović

